

sules filii Hevæ. Ad te suspiramus gementes et flentes in hac lacrymarum valle. Eja ergo advocata nostra, illos tuos misericordes oculos ad nos converte. Et Jesum benedictum fructum ventris tui nobis post hoc exilium ostende. O clemens, o pia, o dulcis Virgo Maria.

*℣.* Ora pro nobis, sancta Dei Genitrix; *℟.* Ut digni efficiamur promissionibus Christi.

**Oratio.**

**O**MNIPOTENS sempiternè Deus, qui gloriosæ Virginis Matris Mariæ corpus et animam, ut dignum Filii tui habitaculum effici mereretur Spiritu sancto cooperante præparasti: da, ut cujus commemoratione lætamur, ejus pia intercessionè ab instantibus malis, et a morte perpétua liberemur. Per eundem Christum Dominum nostrum. *℟.* Amen.

*℣.* Divinum auxilium maneat semper nobiscum. *℟.* Amen.

**Deinde dicitur secreto:** Pater noster. Ave, Maria et Credo.

**AD MATUTINUM.**

Pater noster. Ave, Maria. Credo.

*℣.* Dómine, lábia mea apéries.

*℟.* Et os meum annuntiábit laudem tuam.

*℣.* Deus, in adjutórium meum inténde. *℟.* Dómine, ad adjuvándum me festína.

*℣.* Glória Patri, et Filio, et Spiritui sancto. *℟.* Sicut erat in principio, et nunc, et semper, et in sæcula sæculórum. Amen. Allelúia.

**Invitatorium.** Christum Regem adorémus dominántem Géntibus: \* Qui se manducántibus dat spíritus pinguédinem. **Repetitur:** Christum Regem adorémus dominántem Géntibus: Qui se manducántibus dat spíritus pinguédinem.

**Psalmus 94.**

**V**ENITE exultémus Dómino, jubilémus Deo salutári nostro: præoccupémus fáciem ejus in

confessione, et in psalmis jubilemus ei.

Christum Regem adorémus dominantem Géntibus : Qui se manducántibus dat spíritus pinguédinem.

Quóniam Deus magnus Dóminus, et Rex magnus super omnes deos : quóniam non repellet Dóminus plebem suam, quia in manu ejus sunt omnes fines terræ, et altitúdes móntium ipse cónspicit.

Qui se manducántibus dat spíritus pinguédinem.

Quóniam ipsíus est mare, et ipse fecit illud, et áridam fundavérunt manus ejus : veníte, adorémus, et procidámus ante Deum : plorémus coram Dómino, qui fecit nos, quia ipse est Dóminus Deus noster, nos autem pópulus ejus, et oves páscluæ ejus.

Christum Regem adorémus dominantem Géntibus: Qui se man-

ducántibus dat spíritus pinguédinem.

Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatiónis in desérto : ubi tentavérunt me patres vestri, probavérunt, et vidérunt ópera mea.

Qui se manducántibus dat spíritus pinguédinem.

Quadraginta annis próximus fui generatióni huic, et dixi, semper hi errant corde : ipsi vero non cognovérunt vias meas, quibus jurávi in ira mea, si introíbunt in réquiem meam.

Christum Regem adorémus dominantem Géntibus : Qui se manducántibus dat spíritus pinguédinem.

Glória Patri, et Fílio, et Spirítui sancto. Sicut erat in principio, et nunc, et semper, et in sæcula sæculórum. Amen.

Qui se manducántibus dat spíritus pinguédinem.

Christum Regem adorémus dominántem Géntibus: Qui se manducántibus dat spíritus pinguedinem.

**Hymnus.**

**S**ACRIS solémniis juncta sint gáudia,  
Et ex præcórdiis sonent præcónia,  
Recédant vétera, nova sint ómnia,

    Corda, voces, et ópera.

**N**octis recólitur cœna novíssima,  
Qua Christus créditur agnum et ázuma

Dedisse frátribus, juxta legítima  
    Priscis indúlta pátribus.

**P**ost agnum typicum, explétis épulis,  
Corpus Domínicum datum discí-  
pulis,  
Sic totum ómnibus, quod totum  
    sín-  
    gulis,

    Ejus fatémur mánibus.

**D**edit fragílibus córporis férculum,

Dedit et trístibus sánguini pó-  
culum,  
Dicens: Accípite quod trado vá-  
sculum,

    Omnes ex eo bíbite.

**S**ic sacrificium istud instituit,  
Cujus officium commítte vóluit  
Solis presbyteris, quibus sic cón-  
gruit,

    Ut sumant, et dent céteris.

**P**anis Angélicus fit panis hómi-  
num;

Dat panis cœlicus figúris térmi-  
num:

O res mirábilis! mandúcat Dó-  
minum

    Pauper, servus, et húmilis.

**T**e trina Déitas, únaque pósci-  
mus,

Sic nos tu vísitá, sicut te cólimus:  
Per tuas sémitas duc nos quo tén-  
dimus,

    Ad lucem, quam inhábitas.

    Amen.

    IN I. NOCTURNO.

**Añã.** Fructum salutíferum gu-

stándum dedit Dóminus mortis suæ témpore.

**Psalmus 1.**

**B**EATUS vir, qui non ábiit in consilio impiórum, et in via peccatórum non stetit, \* et in cáthedra pestiléntiæ non sedit;

Sed in lege Dómini volúntas ejus : \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum : \* quod fructum suum dabit in témpore suo.

Et fólium ejus non défluet : \* et ómnia quæcúmque fáciat, prosperabúntur.

Non sic ímpii, non sic : \* sed tamquam pulvis, quem prójicit ventus a fácie terræ.

Ideo non resúrgent ímpii in iudicio : \* neque peccatóres in concílio justórum.

Quóniam novit Dóminus viam justórum : \* et iter impiórum peribit.

**Añã.** Fructum salutíferum gustándum dedit Dóminus mortis suæ témpore.

**Añã.** A fructu fruménti et vini multiplicáti fidéles in pace Christi requiészunt.

**Psalmus 4.**

**C**UM invocárem, exaudivit me Deus justítiæ meæ : \* in tribulatióne dilatásti mihi.

Miserére mei, \* et exáudi oratióne meam.

Fílii hóminum, úsquequo gravi corde ? \* ut quid dilígitis vanitátem et quæritis mendácium ?

Et scitóte quóniam mirificávit Dóminus sanctum suum : \* Dóminus exáudiet me, cum clamávero ad eum.

Irascimini, et nolíte peccáre : \* quæ dicitis in córdibus vestris, in cubilibus vestris compungimini.

Sacrificáte sacrificium justítiæ, et speráte in Dómino : \* Multi dicunt : Quis osténdit nobis bona ?

Signátum est super nos lumen vultus tui, Dómine: \* dedísti lætítiam in corde meo.

A fructu fruménti, vini et ólei sui: \* multiplicáti sunt.

In pace in idípsum: \* dórmiám et requiéscám.

Quóniam tu, Dómine, singuláriter in spe \* constituísti me.

**Aña.** A fructu fruménti et vini multiplicáti fidéles in pace Christi requiéscunt.

**Aña.** Communióne cálicis, quo Deus ipse súmitur, non vitulórum sánguine, congregávit nos Dóminus.

### Psalmus 15.

**C**ONSERVA me, Dómine, quóniam sperávi in te. \* Dixi Dómino: Deus meus es tu, quóniam bonórum meórum non egés.

Sanctis, qui sunt in terra ejus, \* mirificávit omnes voluntátes meas in eis.

Multiplicátæ sunt infirmitátes eórum: \* póstea acceleravérunt.

Non congregábo conventícula eórum de sanguínibus: \* nec memor ero nóminum eórum per lábia mea.

Dóminus pars hæreditátis meæ, et cálicis mei: \* tu es qui restitues hæreditátem meam mihi.

Funes cecidérunt mihi in præcláris: \* étenim hæreditas mea præclára est mihi.

Benedícám Dóminum, qui tríbuit mihi intelléctum: \* însuper et usque ad noctem increpúerunt me renes mei.

Providébam Dóminum in conspéctu meo semper: \* quóniam a dextris est mihi, ne commóvear.

Propter hoc lætátum est cor meum: et exultávit lingua mea: \* însuper et caro mea requiéscet in spe.

Quóniam non derelínques ánimam meam in inférno: \* nec dabis sanctum tuum vidére corruptiónem.

Notas mihi fecisti vias vitæ,  
adimplébis me lætítia cum vul-  
tu tuo : \* delectatiónes in dexte-  
ra tua usque in finem.

**Añã.** Communióne cálicis, quo  
Deus ipse súmitur, non vituló-  
rum sáanguine, congregávit nos  
Dóminus.

ŷ. Panem cœli dedit eis, alle-  
lúia. **Ꝟ.** Panem Angelórum man-  
ducávit homo, allelúia.

**Pater noster. secreto.**

ŷ. Et ne nos indúcas in tenta-  
tiónem. **Ꝟ.** Sed libera nos a ma-  
lo.

**Absolutio.**

**E**XAUDI, Dómine Jesu Christe,  
preces servórum tuórum, et  
miserére nobis, qui cum Patre  
et Spíritu sancto vivis et re-  
gnas in sæcula sæculórum. **Ꝟ.**  
Amen.

ŷ. Jube, domne, benedícere.  
**Benedictio :** Benedictióne per-  
pétua benedícat nos Pater ætér-  
nus. **Ꝟ.** Amen.

De Epístola prima beáti Pauli  
Apóstoli ad Corínthios.

**Lectio j. Cap. 11.**

**C**ONVENIENTIBUS vobis in unum,  
jam non est Domínicam cœ-  
nam manducáre. Unusquisque  
enim suam cœnam præsumit ad  
manducándum. Et álius quidem  
ésurit, álius autem ébrius est.  
Numquid domos non habétis ad  
manducándum et bibéndum? aut  
Ecclésiám Dei contémnitis, et  
confúnditis eos, qui non habent?  
Quid dicam vobis? Laudo vos?  
in hoc non laudo. Tu autem, Dó-  
mine, miserére nobis. **Ꝟ.** Deo  
grátias.

**Ꝟ.** Immolábit hædum multítú-  
do filiórum Israel ad vésperam  
Paschæ \* Et edent carnes et ázy-  
mos panes. ŷ. Pascha nostrum  
immolátus est Christus : itaque  
epulémur in ázymis sinceritátis  
et veritátis. Et edent carnes, et  
ázymos panes.

ŷ. Jube, domne, benedícere.

**Benedictio** : Unigénitus Dei Fílius nos benedícere et adjuváre dignétur. **℞**. Amen.

**Lectio ij.**

**E**GO enim accépi a Dómino, quod et trádidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accípite, et manducáte : Hoc est Corpus meum, quod pro vobis tradétur : hoc fácite in meam commemoratióem. Simíliter et cálicem postquam cœnávít, dicens : Hic calix novum testaméntum est in meo sánguine. Hoc fácite quotiescúmque bibétis, in meam commemoratióem. Quotiescúmque enim manducábítis panem hunc, et cálicem bibétis, mortem Dómini annuntiábítis donec véniat.

**℞**. Comedétis carnes, et saturabimini pánibus : \* Iste est panis, quem dedit vobis Dóminus ad vescéndum. **℣**. Non Móyses dedit vobis panem de cœlo, sed Pater

meus dat vobis panem de cœlo verum. Iste est panis, quem dedit vobis Dóminus ad vescéndum.

**℣**. Jube, domne, benedícere.

**Benedictio**. Spíritus sancti grátia illúminet sensus et corda nostra. **℞**. Amen.

**Lectio iij.**

**I**TAQUE quicúmque manducáverit panem hunc, vel bíberit cálicem Dómini indígne, reus erit cörperis et sánguinis Dómini. Probet autem seípsum homo : et sic de pane illo edat, et de cálice bibat. Qui enim mandúcat et bibit indígne, júdicium sibi mandúcat et bibit, non dijúdicans corpus Dómini. Ideo inter vos multi infirmi et imbecílles, et dórmunt multi. Quod si nosmetípsos dijúdicarémus, non útique judicarémur. Dum judicámur autem, a Dómino corrípimur, ut non cum hoc mundo damnémur.

**℞**. Respéxit Elías ad caput suum subcinerícium panem : qui sur-

gens comédit et bibit : \* Et ambulávit in fortitúdine cibi illíus usque ad montem Dei. *v.* Si quis manducáverit ex hoc pane : vivet in ætérnum. Et ambulávit in fortitúdine cibi illíus usque ad montem Dei. **G**lória Patri, et Fílio, et Spirítui Sancto. Et ambulávit in fortitúdine cibi illíus usque ad montem Dei.

IN II. NOCTURNO.

**Aña.** Memor sit Dóminus sacrificii nostri, et holocáustum nostrum pingue fiat.

**Psalmus 19.**

**E**XAUDIAT te Dóminus in die tribulatiónis : \* prótegat te nomen Dei Jacob.

Mittat tibi auxiliúm de sancto : \* et de Sion tueátur te.

Memor sit omnis sacrificii tui : \* et holocáustum tuum pingue fiat.

Tribuat tibi secúndum cor tuum : \* et omne consílium tuum confirmet.

Lætábimur in salutári tuo : \* et in nómine Dei nostri magnificábimur.

Impleat Dóminus omnes petitiónes tuas : \* nunc cognóvi quóniam salvum fecit Dóminus Christum suum.

Exáudiet illum de cœlo sancto suo : \* in potentátibus salus dexteræ ejus.

Hi in curribus, et hi in equis : \* nos autem in nómine Dómini Dei nostri invocábimus.

Ipsi obligáti sunt, et ceciderunt : \* nos autem surréximus, et erécti sumus.

Dómine, salvum fac regem : \* et exáudi nos in die, qua invocáverimus te.

**Aña.** Memor sit Dóminus sacrificii nostri, et holocáustum nostrum pingue fiat.

**Aña.** Parátur nobis mensa Dómini advérsus omnes, qui tribulant nos.

## Psalmus 22.

**D**OMINUS regit me, et nihil mihi déerit : \* in loco páscuæ ibi me collocávit.

Super aquam refectionis educávit me : \* ánimam meam convertit.

Dedúxit me super sémitas justitiæ, \* propter nomen suum.

Nam, et si ambulávero in médio umbræ mortis, non timébo mala : \* quóniam tu mecum es.

Virga tua, et báculus tuus, \* ipsa me consoláta sunt.

Parásti in conspéctu meo mensam, \* advérsus eos, qui tribulant me.

Impinguásti in óleo caput meum : \* et calix meus inébrians quam præclárus est !

Et misericórdia tua subsequétur me \* ómnibus diébus vitæ meæ.

Et ut inhábitem in domo Dómini \* in longitúdinem diérum.

**Añã.** Parátur nobis mensa Dó-

mini advérsus omnes, qui tribulant nos :

**Añã.** In voce exsultationis resonent epulántes in mensa Dómini.

## Psalmus 41.

**Q**UEMADMODUM desiderat cervus ad fontes aquárum : \* ita desiderat ánima mea ad te, Deus.

Sitívit ánima mea ad Deum fortem vivum : \* quando véniam et apparébo ante fáciem Dei ?

Fuérunt mihi lácrymæ meæ panes die ac nocte : \* dum díctur mihi quotidie : Ubi est Deus tuus ?

Hæc recordátus sum et effúdi in me ánimam meam : \* quóniam transíbo in locum tabernáculi admirábilis usque ad domum Dei.

In voce exsultationis, et confessionis, \* sonus epulántis.

Quare tristis es, ánima mea ? \* et quare contúrbas me ?

Spera in Deo, quóniam adhuc confitébor illi : \* salutáre vultus mei, et Deus meus.

Ad meípsum ánima mea conturbáta est : \* proptérea memor ero tui de terra Jordánis, et Hermoniim a monte módico.

Abyssus abyssum ínvocat, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam, \* et nocte cánticum ejus.

Apud me orátio Deo vitæ meæ, \* dicam Deo : Suscéptor meus es.

Quare oblítus es mei ? \* et quare contristátus incédo, dum affligit me inimícus ?

Dum confringúntur ossa mea, \* exprobravérunt mihi qui tribulant me inimíci mei.

Dum dicunt mihi per síngulos dies : Ubi est Deus tuus ? \* quare tristis es, ánima mea ? et quare contúrbas me ?

Spera in Deo, quóniam adhuc confitébor illi : \* salutáre vultus mei, et Deus meus.

**Añna.** In voce exsultatiónis résonent epulántes in mensa Dómini.

**V.** Cibávit illos ex ádipe fruménti, allelúia. **R.** Et de petra, melle saturávit eos, allelúia.

**Pater noster. secreto.**

**V.** Et ne nos indúcas in tentatiónem. **R.** Sed libera nos a malo.

**Absolutio.**

**I**PSIUS píetas et misericórdia nos ádjuvet, qui cum Patre et Spírítu sancto vivit et regnat in sæcula sæculórum. **R.** Amen.

**V.** Jube, Domne, benedícere.

**Benedictio :** Deus Pater omnipotens sit nobis propítius et clemens. **R.** Amen.

Sermo sancti Thomæ Aquinátis.

**Lectio iv. In Opusc. 57.**

**I**MMENSA divínæ largitátis benefícia, exhibita pópulo Christiáno, inæstimábilem ei cónferunt dignitátem. Neque enim est, aut fuit aliquándo tam grandis nátio, quæ hábeat deos appropinquán-